

8340915
L'ESTAT
DES
VERTVS

DESQVELLES DOIT
ESTRE ORNEE L'AME
Chrestienne.

POVR VIVRE ETERNELLEMENT
bien-heureuse.

*Par le sieur de la FRAMBOISIERE,
Medecin ordinaire du Roy.*



A R O V E N,

Chez FRANÇOIS VAULTIER, sous la
porte du Palais, près la Bastille.

TESTAT

VERTVS

DESQUELLES DOIT

ESTRE ORNEE L'AME

Chrestienne.

POUR VIVRE ETERNELLEMENT

PAR LES FRANCHISES


Mesmes que par la



A G R A M

PAR LA VERTU

DE LA



L'ESTAT DES VERTVS DE L'AME.

Par le sieur de la FRAMBOISIERE,
Medecin ordinaire du Roy.



O M M E la Principauté *Les sabbies*
de l'Homme paroist en la *de l'ethi-*
contemplation de Nature, *que.*
ainsi reluit-elle en l'action
de Vertu, par le moyen
de laquelle les affections de l'ame ren-
dent obeissance à la raison, qui leur
commande en Princesse. Tout ainsi
donc qu'en la Philosophie Naturelle,
i'ay fait clairement voir à l'œil, com-
ment l'Homme est Prince de toutes les
creatures du monde: de mesme veux-je
monstrer en la Philosophie Morale, com-
mēt il est Prince de soy-mesme, en viuant
vertneusement.

La vertu est vne habitude de l'ame
conforme à la droite raison.

*La defini-
tion de
vertu.*

6 L'ESTAT DES VERTVS

Les vertus sont humaines ou diuines.

Des vertus humaines.

Les vertus humaines sont celles qui rendent l'Homme parfait selon la droite raison du iugement naturel. Elles tiennent la médiocrité entre deux vices.

Des vertus intellectuelles.

En quoy les vertus intellectuelles sont différentes des Morales.

Les vertus humaines sont Intellectuelles ou Morales. Celles là résident en l'entendement, & cestes-cy en la volonté.

Les vertus Intellectuelles guident & conduisent les Morales.

La fin des Morales c'est de bien & heureusement viure.

Combien il y en a.

Trois vertus principales sont remarquables en l'intellect, la Sapience, la Prudence & l'Art.

De la Sapience.

Que c'est que Sapience. Ses parties. Sa fin.

LA Sapience est vne vertu qui consiste en la cognoissance des choses vniuerselles, nécessaires & immuables : acquise à l'entendement par l'estude des lettres.

Elle a deux parties, l'Intelligence des principes infaillibles, & la Science des effects

effects par certaine demonstration des causes. Et ne regarde qu'à la contemplation de ses objets.

Deux vices sont contraires à la Sapien- *Ses con-*
ce, l'ignorance, & la trop grande curiosité *naire.*
De la Prudence.

LA Prudence est vne vertu qui gist en *Que c'est*
la cognoissance des choses singu- *que Pru-*
lieres, contingentes & muables, acquise à *dence.*
l'entendement par vne longue experien-
ce, pour se regler selon la droite raison
aux actions humaines.

Ceste vertu consiste en la cōference des *En quoy*
choses passées avec les presentes, pour en *elle consi-*
coniecturer les futures. A ceste occasion *se.*
on luy donne trois yeux, qui regardent
les trois temps, le passé, le present, & l'ad-
uenir, d'autant qu'elle se souuiet des cho-
ses passées, considere les presentes, & pre-
uoit les futures.

La Prudence paroist en la discretion de
ce qu'on doit desirer ou fuir, tant en priué
qu'en public. Car faisant election des cho-
ses, elle discerne les honnestes des vilai-
nes, & les vtiles des nuisibles. Et si est com-
me double, Domestique & Ciuile.

Celle là est profitable à foy; & ceste-cy à *Ses especes*

8 L'ESTAT DES VERTVS

tout. Aussi estimons-nous ceux-là prudens qui peuvent iuger & remarquer ce qui est utile & commode à eux, & aux autres, & qui sçauent bien faire leurs affaires, & celles de la Republique.

*Ses con-
traires.*

Deux vices sont contraires à la Prudence, l'imprudence, & l'astuce.

DE L'ART.

*Que c'est
qu'Art.
Sa fin.*

L'Art est vne vertu de l'entendement acquise par long vsage, pour bien & promptement faire quelque chose. L'Art donne adresse à l'operation, ayant pour sa fin l'oeuvre.

Des vertus Morales.

*Passage
aux ver-
tus Mora-
les.*

DÉscendons maintenant aux vertus qu'on appelle proprement Morales, à cause qu'elles s'occupent à regler les mœurs.

*Pourquoy
elles sont
ainsi ap-
pellees.*

Les vertus Morales reagent les appetits sensuels deffous le ioug de la raison.

*Leur offi-
ce.*

Ces appetits sont distinguez en deux, l'un s'appelle concupiscible, par lequel nous pourchassons le bien; l'autre irascible, autrement dit le courage, par lequel nous reiettons le mal.

*Les diffé-
rences
d'appetit.*

Le bien & le mal, soit interne ou externe, se rapporte à nous, ou à autrui.

Les différences de bien & de mal.

De là sont prises les différences des vertus Morales.

Combien il y a de vertus Morales.

Il y en a trois principales, la Temperance, la Force & la Justice, desquelles dependent toutes les autres.

DE LA TEMPERANCE.

LA Temperance est vne vertu qui refrene la concupiscence, de peur qu'elle ne surpasse les limites de la raison, en l'usage des biens du corps & de fortune.

Que c'est que Temperance.

Elle consiste en la mediocrité de deux extremités vicieuses, intemperance & insensibilité.

En quoy elle consiste.

Il y en a trois especes, Sobriété, Chasteté, & Modestie.

Ses especes.

La Sobriété est vne vertu qui garde la mesure au boire & au manger.

Sobriété.

Elle est contraire à yronnerie & gourmandise. Car ce sont vices qui outrepassent la mesure au boire & au manger.

Chasteté.

La Chasteté est vne vertu, par laquelle on se cōserue pur & net de luxure, s'abstenant de toute delectation charnelle, sinon en tant que la propagatiō de la nature re-

10 L'ESTAT DES VERTVS

quiert la conionction naturelle, en ceux qui sont legitimement alliez, par le sacrement de Mariage.

Elle est contraire à la paillardise.

Modestie.

La modestie est vne vertu qui demeure dans les bornes de raison, en la conuoitise des biens externes, comme richesses, honneurs & dignitez. Elle est contraire à l'auarice & l'ambition, qui pechent en excez, & à la negligence qui se recognoist au defaut.

DE LA FORCE.

*Que c'est
que force.*

LA Force est vne vertu qui consiste en vne constance de courage à se maintenir vaillamment en la poursuite & possession de ce qui est selon la raison: tenant la mediocrité entre l'audace temeraire, & la timidité couarde.

*En quoy
elle consiste*

Ses obiets.

Elle paroist tousiours en aduersité, aux perils, trauaux, & difficultez.

Ses especes

Magnanimité, Mansuetude, & Patience, sont especes de Force,

*Magnani-
mité.*

La Magnanimité est vne vertu qui gist en vne grandeur de courage, à entreprendre choses hautes & genereuses. Son contraire est pusillanimité.

*Mansue-
tude.*

La Mansuetude est vne vertu qui dom-

pte le courage, de peur qu'il n'outrepasse les bornes de raison, en vengeance le tort qu'o nous fait. Elle est cōtraire à la cruauté

Sous icelle est comprise la Clemence, *Clemence.* vertu bien seante aux Princes, lesquels acquierent beaucoup de loüange à pardonner en temps & lieu à leurs subiects qu'ils ont offensez. Elle est contraire à la seuerité.

La patience est vne vertu qui endure *Patience.* constamment les choses fascheuses à supporter. Son contraire est impatience.

DE LA IUSTICE.

LA Iustice est vne vertu qui red le droit *Que c'est.* à chacun, & ne fait tort à personne. *que Iustice*

La Iustice est Distributive ou Commutative. Celle là garde la proportion Geometrique en distribuant à chacun ce qui luy appartient: mais ceste-cy donne l'equivalent en contre-eschange à la proportion Arithmetique. *Ses especes*

Reconnoissance, Fidelité & Innocence, sont especes de Iustice.

La reconnoissance gist à se ressouvenir, *Reconnoissance.* & se reuancher des biē-faits qu'on a receu.

Son contraire est ingratitude.

La Fidelité cōsiste à garder la foy, qu'on

Loyauté.

a promise en contractant l'un avec l'autre. Elle s'appelle autrement Loyauté. Son contraire est Desloyauté.

Innocence.

L'Innocence paroist quand on ne fait point de mal à autrui, ny en sa personne, ny en son honneur, ny en ses biens.

Ses contraires.

Les vices contraires à la Iustice sont deux, l'iniustice, & la trop grande rigueur de iustice.

Sa compagne.

La Liberalité est compagne de la iustice. Car l'une & l'autre tend à la conseruation de la société humaine.

Que c'est que Liberalité.

La Liberalité est vne vertu qui eslargist des biens à ceux qui en ont besoin, gardât la mediocrité entre deux extremités vicieuses, prodigalité & auarice.

Considerations requises en elle.

Elle est bien seante aux Princes: mais elle doit estre practiquee avec iugement & mesure. Car il faut aduiser que la liberalité soit faite à ceux qui le meritent, & qu'elle ne leur soit point nuisible, ny aux autres: puis que la largesse ne soit plus grande que les facultez ne portent.

Magnificence.

La Magnificence qui paroist en vne belle despense, est tenue pour vne espece de liberalité.

Le défaut est sordide en vn personnage

de grãd moyen: mais l'excez qui s'y com-
met, s'appelle luxe.

Sous la liberalité sont comprinses l'Au- *Aumosne.*
mosne, l'Hospitalité & la Beneficence qui *Hospitali-*
se fait par aduis, instruction, remontran- *té.*
ce & autres artifices tirez de la vertu & de
l'industrie: On peut rapporter sous la Be- *Beneficen-*
neficence trois vertus, qui regardent au *ce.*
plaisir d'autrui, Humanité, Verité & Vr-
banité, par le moyen desquelles on est
bien venu aux compagnies, d'autãt qu'on
tasche de complaire à chacun.

Sous le nom d'Humanité, nous enten- *Humani-*
dons Humilité, Affabilité & Courtoisie, *té.*
lesquelles gaignent & attirent à soy les *Humilité.*
cœurs des hommes. C'est pourquoy tant *Affabili-*
plus on est esleué en dignité, tant plus se *té.*
doit-on monstrier affable & courtois. *Courtoisie.*

On appelle icy Verité, quãd on dit ron- *Verité.*
dement en compagnie ce qui est des cho-
ses, sans dissimuler, ni s'attribuer arro-
gamment ce qui n'est pas.

L'Urbanité consiste aux ieux, esbats & *Urbanité.*
passetemps. Les Latins appellent *Vrbani*, &
les Grecs *Eutrãpeloi*, *quasi Eitropoi*, i. *bonis*
moribus præditi, ceux qui sont facetieux &
recreatifs, & qui entretiennent ioyeuse-

ment la cōpagnie, sans offenser personne, ayans tousiours à la bouche quelques mots pour rire, & quelque plaisant compte à faire pour resioüir les plus tristes. Ceux qui leur sont appointez contraires, se nomment agrestes, c'est à dire rustics.

Des vertus Chrestiennes.

*Passage
aux vertus
Diuines.*

*En quoy
gist le sou-
uerain
bien de
l'homme.*

*Par quel
moyen on y
paruient.*

VOila l'estat des vertus Morales, par l'exercice desquelles nous pouuons viure heureusement en ce monde, selon la doctrine des Philosophes de l'antiquité. Mais d'autant que le souuerain bien de l'Homme, gist en la vie eternelle, de laquelle iouïssent par la vision de Dieu les bien-heureux au Royaume des Cieux, où nous autres Chrestiens aspirons tous par le benefice de nostre Sauueur I. C. qui nous a par sa mort & resurrection ouuert les portes de son Paradis, il nous faut auoir recours aux vertus Diuines, par le moyen desquelles nous y pourrons paruenir, en vsant des Sacremens qu'il a ordonné pour nostre salut.

*Que c'est
que vertus
Diuines.*

Les Theologiens appellēt vertus Diuines, celles qui regardēt Dieu immediate-ment. Elles se forment en nous, par vne se-crete assistance de la grace, & ne doiuent

point simplement leur naissance aux forces naturelles de l'entendement, & de la volonté.

Il y en a trois, la Foy, l'Espérance, & la Charité, sur les ailes desquelles nostre ame abandonnant la terre, & les pensées basses & corruptibles, est portée & enlevée au Ciel, & volant véritablement à Dieu, se rend compagne des Anges & des intelligences celestes.

D E L A F O Y.

LA Foy est vne vertu Theologale, par laquelle nous croyons fermement tout ce que Dieu a reuelé à son Eglise, pour nostre salut.

Le subiet de la Foy est sommairement compris au symbole.

Le symbole est vn abrégé de la vraye creance, qu'on a tousiours tenu en la Chrestienté, lequel a esté composé des Apostres, apres auoir receu le saint Esprit du ciel, & deuant aller prescher l'Euangile par tout le Monde, baillé à leurs disciples pour marque & enseigne de la Foy Catholique.

Ce symbole contient douze articles,

16 L'ESTAT DES VERTVS

lesquels se rapportent tous à deux chefs, le principal est de Dieu, l'autre de son Eglise. Celuy là comprend la creance que nous auons d'une vraye Diuinité en trois personnes. C'est pourquoy il a trois parties, qui correspondent à la sainte Trinité: la premiere qui est de la Creation conuient au Pere, la seconde qui est de la Redemption, au Fils, la tierce qui est de la Sanctificatiō, au S. Esprit. L'autre chef touche la creance que nous auons, qu'il n'y a qu'une Eglise Catholique, en laquelle sont trois biens principaux, le premier en l'ame, qui est la remission des pechez: l'autre au corps, qui sera la resurrection de la chair: & la troisieme en l'ame & au corps ensemble, qui sera la vie eternelle.

*Que c'est
que l'esperance.*

*Le moyen
d'obtenir
ce que nous
esperons.*

*Le contenu
de l'Oraison
Dominicale.*

De l'Esperance.

L'Esperance est vne vertu diuinement infuse, par laquelle nous esperons de Dieu la iouissance de tout bien, & exemption de tout mal, en le priant deuotement tous les iours, selon la forme que nous a enseigné nostre Seigneur I. Christ. L'oraison Dominicale contient sept petitions. Es quatre premiers, nous prions

Dieu qu'il nous donne la iouyſſance de tout bien: és trois dernieres, qu'il nous exempte de tout mal, tant paſſé & futur, que preſent. Car nous demandons pre- *La 1. de-*
mierement à Dieu, que ſa ſacrée Maieſté *mande,*
regne glorieuſement par tout.

Secondement, que nous ayons part à *La 2.*
l'heritage celeſte, promis aux enfans de
l'Egliſe, en ſon Royaume triomphant.

Tiercement, qu'il nous face la grace de *La 3.*
le ſeruir icy bas ſelon ſa volonté, comme
il eſt là haut au Ciel.

Quartement, qu'il nous donne de iour *La 4.*
en iour ce qui nous eſt neceſſaire, pour la
conſeruation de la vie corporelle & ſpi-
rituelle.

Puis qu'il nous pardône nos fautes paſ- *La 5.*
ſées, comme nous les pardonnons à ceux
qui nous ont offenſé.

En apres, qu'il ne permette point que *La 6.*
nous ſoyons induits par tentation d'en
commettre d'autres à l'aduenir.

Finalement, qu'il nous deliure du mal *La 7.*
qui nous afflige preſentement.

De la Charité.

LA Charité eſt vne vertu diuine, par la- *Que c'eſt*
quelle nous aimôs Dieu ſur toute cho- *que la*
charité.

18 L'ESTAT DES VERTVS

se, & nostre prochain pour l'amour de luy.

En quoy elle s'exerce. La Charité se pratique en l'observation de la loy Diuine.

La loy Diuine. La Loy Diuine est comprise au Decalogue.

Les commandemens de Dieu. Le Decalogue est ainsi appellé, pource qu'il contient les dix Commandemens de Dieu, baillez à Moïse en deux Tables.

Le contenu de la premiere Table. La premiere Table touche la Pieté enuers Dieu, la seconde concerne la Iustice deuë à nostre prochain. Car il y a trois preceptes en la premiere Table, qui expriment le pur seruice que nous deuons fidelement

De la 2. Table. rëdre à Dieu de cœur, de bouche, & d'œuvre: Et sept en la seconde, dont le premier nous exhorte à nous acquitter de nostre deuoir enuers nostre prochain; & les autres suiuans nous deffendent de luy faire tort: premierement en personne, puis apres en l'honneur; finalement en ses moyens, ny de fait, ny de parole, ny de volonté. *Des Sacremens.*

Que c'est que Sacrement. Les Sacremens sont signes visibles de la grace inuisible que Dieu infailliblement nous confere.

Qui les a instituez. Ces sacrez mysteres ont esté instituez par nostre Seigneur Iesus Christ.

On en recognoist sept en l'Eglise Catholique. Mais les plus nécessaires de tous, *Combien il y en a* sont le Baptême, l'Eucharistie, & la Penitence.

Le Baptême est nécessaire à toutes personnes: l'Eucharistie à celles qui ont l'usage *Les plus nécessaires* de raison: & la Penitence, à celles qui ont transgressé la loy Divine.

Par le Baptême nous sommes faits membres & déclarez enfans de l'Eglise. *L'efficace du Baptême.*

Par l'Eucharistie, nostre ame est mystiquement nourrie du précieux corps & sang de I. Christ, en vertu de sa réelle presence *De l'Eucharistie.* contenuë sous les especes visibles.

Par la Penitence les pechez commis apres le Baptême, nous sont pardonnés. *De la Penitence.*

Par là il appert que la grace de Dieu naist en nous par le Baptême, qu'elle est conseruée par l'Eucharistie. Et estant perdue, qu'elle est recourée par la Penitence. Tellement que le Baptême est le premier Sacrement, par lequel la vie spirituelle nous est donnée. C'est pourquoy il ne se prend que vne fois. Mais l'Eucharistie, & la Penitence sont deux sacrez remedes, l'un pour la conseruation de la santé de l'esprit, l'autre pour la guarison des maladies de l'ame: lesquels doiuent estre autant de fois reitez, qu'il en sera besoin.

20 L'EST.DES VERT.DE L'AME:

*De la fin de l'Homme, & du droit chemin
pour y paruenir.*

*Que l'Hom-
me est créé
pour trois
choses.*

SI nous considerons diligemment à quelle fin est créé l'Homme, nous trouuerons qu'il est né au Monde, pour cognoistre Dieu, pour l'inuoyer, & pour luy obeyr.

*Le moyen
de les ob-
tenir.*

Or cognoissons nous Dieu par la Foy, nous l'inuoyons, en le priant iournelle-ment, avec esperance qu'il nous exaucera: nous luy obeyssons, en gardant les Com-mandemens, pour l'amour que nous luy portons.

Tellement que l'action des vertus Di-uines, est la droite voye pour paruenir au but où nous visons.

*Inuocatiō
de l'An-
theur.*

C'est pourquoy ie supplie tres-humble-ment nostre Createur, au nom de son Fils Iesus Christ nostre Sauueur, qu'il nous fa-ce la grace par son Sainct Esprit, de viure si vertueusement, que nous puissions iouir de la felicité temporelle en ce Monde, & de l'eternelle en l'autre.



TABLE ALPHABETIQUE

des matieres traitées en l'Histoire
Morale du Sieur de la
Framboisiere.

| A. | | F | |
|---------------------|------------|------------------|-------|
| A ffabilité. | füeil. 13. | Fin de l'homme. | 20 |
| Appetit. | 4 | Fin des Morales. | 3 |
| Art. | 8 | Force. | 10 |
| Aumosne. | 13 | Foy. | 15 |
| B | | H | |
| Baptême. | 19 | Hospitalité. | 13 |
| Beneficence. | 13 | Humanité. | ibid. |
| Bien. | 5 | Humilité. | ibid. |
| C | | I | |
| Charité. | 17 | Innocence. | 12 |
| Chasteté. | 9 | Iustice. | 11 |
| Clemence. | 11 | L | |
| Commandemens de | | Liberalité. | 12 |
| Dieu. | 18 | Loyauté. | ibid. |
| Courtoisie. | 13 | Loy diuine. | 16 |
| D | | M | |
| Decalogue. | 18 | Magnanimité. | 10 |
| E | | Magnificence. | 12 |
| Esperance. | 16 | Mal. | 9 |
| Ethique. | 3 | Manfuetude. | 10 |
| Eucharistie. | 19 | Modestie. | 10 |

TABLE ALPHABETIQUE.

| | | S | |
|---------------------|-----|--------------|---------|
| O | | Sacremens. | 18. |
| Oraison Dominicale. | 16. | Sapience. | 6. |
| | | Sobriété. | 9. |
| P | | Symbole. | 15. |
| Patience. | 11. | T | |
| Penitence. | 19. | Température. | 9. |
| Prudence. | 7. | V | |
| | | Verité. | 13. |
| R | | Vertu. | 36. 14. |
| Reconnoissance. | 11. | Vrbanité. | 13. |

F I N.

